

四庫全書

史部

欽定四庫全書

史部

欽定重訂大金國志

目錄
卷一至三

詳校官庶吉士臣張溥

編修臣裴謙覆勛

總校官舉人臣章維桓

校對官編修臣孫希旦

謄錄監生臣姚澹

欽定四庫全書

史部四

欽定重訂大金國史目錄

別史類

卷首

大金初興本末

金九帝年譜

卷一

太祖武元皇帝上

卷一

太祖武元皇帝下

卷三

太宗文烈皇帝一

卷四

太宗文烈皇帝二

卷五

太宗文烈皇帝三

卷六

太宗文烈皇帝四

卷七

太宗文烈皇帝五

卷八

太宗文烈皇帝六

卷九

熙宗孝成皇帝一

卷十

熙宗孝成皇帝二

卷十一

熙宗孝成皇帝三

卷十二

熙宗孝成皇帝四

卷十三

海陵煬王上

卷十四

海陵煬王中

卷十五

海陵煬王下

卷十六

世宗皇帝上

卷十七

世宗皇帝中

卷十八

世宗皇帝下

卷十九

章宗皇帝上

卷二十

章宗皇帝中

卷二十一

章宗皇帝下

卷二十二

東海郡侯上

卷二十三

東海郡侯下

卷二十四

宣宗皇帝上

卷二十五

宣宗皇帝下

卷二十六

義宗皇帝

卷二十七

開國功臣

尼雅滿 固紳 斡里雅布 富勒呼 烏珠

尼楚赫 烏紳 羅索 達蘭 薩里罕

鄂勒歡 烏蘭思謀 韓常

卷二十八

文學翰苑上

宇文虛中 蔡松年 蔡珪 高士談 馬定

國 施宜生 郝俱 李晏 王寂 劉昂

楊雲翼 史肅 蕭貢 李通 馮延登 梁

持勝 馮璧 韓玉

卷二十九

文學翰苑下

王若虛 麻九疇 高廷玉 張萬公 董師

中 胥鼎 張行中 路仲顯 耶律履 王

予可 李獻甫 党懷英 趙秉文 周昂

卷三十

楚國張邦昌錄

卷三十一

齊國劉豫錄

卷三十二

立楚齊國冊文 檢視宋國庫藏

取去宋國印寶 宗族隨二帝北遷

卷三十三

天文 地理 燕京制度 汴京制度

陵廟制度 儀衛

卷三十四

旗幟 車繖 服色 千官品列

卷三十五

雜色儀制 誥敕 除授 天會皇統科舉

天德科舉

卷三十六

皂隸 浮圖 道教 科條 赦宥 屯田

田獵 兵制

卷三十七

兩國往來誓書

卷三十八

京府州軍

卷三十九

初興風土 男女冠服 婚姻 飲食

卷四十

許奉使行程錄

卷四十一

譯改國語解 附

臣等謹案

欽定重訂大金國志四十一卷舊本題宋宇文懋

昭撰前有端平元年進書表一通自署淮西

歸正人改授承事郎工部架閣而不詳其里貫表中有偷生淮浦少讀父書等語亦不知其父何人也書中取金太祖至哀宗一百十七年事跡哀集彙次凡紀二十六卷開國功臣傳一卷文學翰苑傳二卷雜錄三卷雜載制度七卷許亢宗奉使行程錄一卷似是採錄諸書排比而成所稱義宗即哀宗金史謂息州行省所上謚而此則云金遺臣所上與

史頗不合又懋昭既降宋即當以宋為內詞
乃書中分注宋年又直書康王出質及列北
遷宗族於獻俘殊為失體故錢曾讀書敏求
記嘗稱為無禮於君之甚者然其可疑之處
尚不止此詳悉檢勘訛漏甚多如進書表題
端平元年正月十五日致金亡即在是月十
日相距僅五日豈遽能成書進獻又紀錄蔡
州破事如是之詳於情理頗不可信又端平

正當理宗時而此書大書宋寧宗太子不得
立立其姪為理宗於潛邸廢立略無忌諱又
生而稱謚舛繆顯然又懋昭以金人歸宋乃
於兩國俱直斥其號而獨稱元兵為大軍又
稱元為大朝轉似出自元人之辭尤不可解又
開國功臣傳僅寥寥數語而文學翰苑傳多
至三十二人驗其文皆全錄元好問中州集
小傳而略加刪削考好問撰此書時在金亡

之後原序甚明懋昭更不應預襲其文凡此
皆疑竇之極大者其他如愛王作亂等事亦
多輕信偽書穴雜失次恐已經後人竄亂非
復懋昭原本故牴牾若此今恭依

聖明指示改定契丹國志義例逐一訂定俾合於
史法焉乾隆四十九年十一月恭校上

總纂官臣紀昀臣陸錫熊臣孫士毅

總校官 臣陸費墀

欽定四庫全書

卷一百一十五
目錄

欽定四庫全書

欽定重訂大金國志卷首

大金初興本末

金國本名珠嚕準番語舌音訛為女真或曰魯爾錦避契丹興宗名又曰女直渤海之別族也或曰三韓辰之後姓那氏唐貞觀中靺鞨來中國始聞女真之名世居混同江之東長白山下其山乃鴨綠水源南鄰高麗北接室韋西界渤海特哩東瀕海三國志所謂挹婁

按原書作

北婁考三國志作挹婁金史地理志東京路瀋州有挹婁縣即挹婁故地今改正

元魏所謂勿

吉唐所謂黑水靺鞨者今其地也其屬分六部有黑水部今之女直其水掬之則色微黑契丹目為混同江深可二十餘丈狹處可六七十步濶者至百步居江之南者謂之熟女直以其服屬契丹也江之北為生女直亦臣于契丹後有部長受宣命為首領號太師契丹自賓州混同江北八十里建寨以守又云契丹乘唐衰興北方吞諸番三十六女直在其中契丹恐女直為患誘豪

右數千家處之遼陽之南而著籍焉分其勢使不得與
本國通謂之哈斯罕自咸州東北分界入宮口至粟末
江中間所居之女直隸咸州兵馬司與其國往來無禁

謂之輝發

按通考云輝發者非熟女直亦非生女直之謂

極遠邊而野居者謂

之黃頭女直又居粟末江之北寧江州之東地方千餘
里戶十餘萬無大君長亦無國名止是族帳散居山谷
間自推豪傑為部長小者千戶大者數千戶蓋七十二
部落之一也僻處契丹東北隅臣屬一百餘年世襲節

度使兄弟相傳周而復始或又云其初部長本新羅人
號完顏氏完顏猶漢言王也女直妻之以女生二子其

長即呼蘭也

按金史世紀金始祖本高麗人此與通考言金之初本新羅人蓋新羅之地并入高

麗故或云高麗或云新羅其實一也但世紀言始祖至景祖呼蘭已六世此書言其初部長生二子長即呼蘭與史不合自此傳三人至楊格太師以至阿古達以其國產

金及有金水源故稱大金

金九帝年譜

太祖武元皇帝

元名阿古達改名吳楊格太師子。按金史世紀景祖九子景祖崩子和里布繼

之為世祖世祖崩弟富爾遜繼之為肅宗肅宗崩弟楊格繼之為穆宗穆宗崩兄子烏雅舒繼之為康熙宗康熙崩太祖繼之康熙宗與太祖皆世祖之子此書以太祖為楊格太師之子與史不同通考云富爾遜長子曰烏雅舒次曰阿古達次曰烏奇邁又以康熙太祖太宗並為肅宗之子是當時傳聞不一故紀載各異要當以史為確

以乙未歲即皇帝位國號大金建元收國丁酉改元

天輔至癸卯天輔七年

按全史太祖紀太祖初即皇帝位建元收國盡二年终改元天

輔盡七年止其歲為癸卯當宋宣和五年遼保大三年從此湖而上之則天輔元年為丁酉收國元年為乙未其歲為宋政和五年遼天慶五年以宋史宋元通鑑續綱目考之皆合原書謂太祖以天輔元年始即皇帝位又以癸卯為天輔六年又以天輔六年當遼保大四年仲謀非一今改正

五月乙丑崩

按全史太

祖之崩實以天輔七年八月戊申而宋史及契丹國志皆書于五月蓋太祖以是夏在軍中得疾必有誤傳其已前者故宋人因而書之懋昭雖本金人蓋由未見國史故亦仍傳聞之誤

在位九年

按原書作

在位六年今

核實改正

太宗文烈皇帝

元名烏奇邁改名晟太祖之弟

癸卯即位改元天會至

甲寅天會十二年冬崩

按太宗實以天會十三年正月巳巳崩金史本紀及宋史通鑑

綱目所書皆同獨此書謂崩于十二年之冬辨詳太宗紀中

在位一十二年

天會元年即天

輔七年實在

位一十一年

熙宗孝成皇帝

元名和里瑪改名亶太祖嫡孫徽宗宗峻之子。按宗峻原作宗沒據金史改

正

甲寅即位仍稱天會戊午改元天眷辛酉改元皇統

至己巳皇統九年十二月丁巳被弒在位十六年

除天會十

二年上屬太宗

實_{在位十五年}

海陵煬王

元名貝勒改名亮太祖孫遼王宗幹之子○按金史本紀海陵名都古魯訥此云名貝勒

與史不同又按海陵父名宗幹原書作宗翰乃尼雅滿

名非海陵父名也今改正又按此云遼王宗幹海陵紀

云宋王考金史史宗幹封梁宋國王海陵立追尊為帝廟

號德宗世宗時削帝號封為皇伯太師遼王海陵紀所

書乃生時封國此所書

乃世宗改封國號也

己巳弒熙宗自立改元天德癸

酉改元貞元丙子改元正隆至辛巳正隆六年十一月

乙未為諸將弒于揚州瓜洲鎮龜山寺在位一十三年

天德元年即皇統九年

年實在位一十二年

世宗聖明皇帝

元名褒改名雍太祖孫睿宗宗輔之子

岳珂程史亦有葛王褒之稱皆與此書合而金史但言本諱烏祿蓋其疎畧耳

辛巳十月丙午

為國人所立即位于東京

按原書云自立于會寧考海陵無道世宗為人心所歸遂

即大位雖非傳授之常然其得國實正綱目書云金人立曹國公烏祿為帝頗合春秋書衛人立晉之義若書以自立則與篡立者何以異文考金史本紀世宗為東京留守其即位實在東京遼陽府通鑑綱目所書皆同若會寧府乃上京非

東京也今並改正

至巳酉大定二十九年正月癸巳

崩

按原書謂世宗以大定二十九年餘二日癸巳崩當宋光宗紹熙元年是年為庚戌考金史本紀世宗之

崩實以巳酉大定二十九年正月癸巳當宋孝

宗淳熙十六年乃二十八年餘二日也今改正 在位二

十九年

大定元年即正隆六年實

章宗皇帝

諱璟世宗之孫顯宗九恭嫡子

巳酉即位明年庚戌改元明

昌丙辰改元承安辛酉改元泰和至戊辰泰和八年十

一月丙辰崩在位一十九年

東海郡侯

諱允濟世宗第七子。按宣宗立降帝為東海郡侯貞祐四年追復衛王諡曰紹金史稱

衛紹

王 戊辰即位明年巳巳改元大安

按元書云巳巳大安元年即位考金

史本紀術始王以來和八年十一月
即位明年已巳改元大安今改正
壬申改元崇慶

按原

書作重慶考金史本紀作崇慶又金史五行志及劉祁
歸潛志並云衛王初即位改元大安繼改崇慶又改至
寧人謂三元大崇至矣俄而有呼沙
呼之變是當作崇慶無疑今改正
癸酉改至寧八月癸

巳為赫舍哩執中
即呼沙呼
所廢尋遣內侍李監成
按金史作李思

中
弒帝在位五年

宣宗皇帝
諱珣世宗之孫顯宗允恭長子
癸酉即位改元貞祐丁丑改

元興定壬午改元元光至癸未元光二年十二月庚寅

崩
按原書云癸未改元元光甲申元光二年十月崩考金史宣宗貞祐盡四年興定盡五年元光盡二年元

光二年十二月崩是年為癸未原書興定盡六年元光
盡二年是歲為甲申宣宗崩下侵義宗一年又以十二
月為十月並屬 **在位十一年** 貞祐元年即至寧元年實
舛誤今改正 在位十年。按原書云在

位一十二年實在位一
十一年今核實改正

義宗皇帝

諱守緒宣宗第三子。按金史帝自繼于幽
蘭軒末帝承麟率羣臣入哭謚曰哀宗故金

史本紀作哀宗此書作義宗謂帝感憤奮發哀
不足以盡之故天下士大夫皆號為義宗 **癸未即**

位明年甲申改元正大壬辰春改元開興

按原書云甲
申元光二年

冬即位乙酉改正大壬辰春改元開興蓋懋昭誤以興定
紀元盡于六年故元光二年為甲申下侵義宗一年而
正大盡七年考金史興定實盡
五年正大實盡八年今改正 **夏又改天興癸巳天興**

二年正月蒙古兵圍汴帝奔歸德府六月絕糧奔蔡州

按原書云癸巳歸德府絕糧六月奔蔡州考義宗自汴奔歸德又自歸德奔蔡州原書但言歸德絕糧奔蔡州殊為疎漏

今補正

八月蒙古兵

按原書蒙古兵並作大兵考懋昭本金人後歸于宋連書時為

端平元年下距宋止尚四十年而乃稱元師為大兵此必經元人改竄元至世祖始改國號金止時猶稱蒙古今改正以與宋兵攻蔡甲午天興三年正月己酉禪位

從其實

于總帥承麟閉閣自縊在位十一年金亡

按原書云除即位之冬不

計外實在位一十年考義宗以癸未即位甲申改元正大憲八年止又改天興至三年甲午歲而亡實在位十一年不當又除去

一年也今則正

金九帝起太祖收國元年乙未盡義宗天興三年甲

午計一百二十年

按原書不計太祖收國二年又以太祖天輔止六年斷自戊戌年起

訖于天興甲午止一百一十七年考金史起太祖收國乙未盡哀宗天興甲午實一百二十年今改正

欽定重訂大金國志卷首

欽定四庫全書

欽定重訂大金國志卷一

紀年

太祖武元皇帝上

太祖武元皇帝元名阿古達後改名旻楊格太師之長

子也

按金史太祖乃世祖和里布之第二子

其先堪布五世至呼蘭

按金史自

始祖堪布至景祖呼蘭已六世此云五世者不數始祖一世也

世為部長襲節度使呼

蘭生三子長曰和里布次曰富爾遜季曰楊格

按金史景祖呼

蘭生九子而繼立者三人此云呼
蘭生三子蓋傳聞而不得其詳耳

楊格生三子長曰阿

古達次曰烏奇邁又次曰薩哈即尼雅滿父也

按金史太祖阿

古達太宗烏奇邁皆世祖之子薩哈景祖長子
和卓之子此並以為穆宗楊格之子舛誤殊甚

金人至

楊格太師始雄諸部

初契丹國舅帳蕭嘉哩聚眾為盜潛奔女直因命楊格
圖之楊格遷延數月獨斬嘉哩遣阿古達獻首級餘悉
畱不遣契丹不得已反進其父子官自是陰懷異志力
農積粟練兵牧馬多市金玉以賂契丹權貴如此十餘

年未有以發也遼天祚帝初立之年楊格卒太祖襲位

按遼史天祚帝乾統元年生女直阿古達襲節度使契丹國志乾統元年女直節度使楊格卒于阿古達立皆與此書所載同考金史穆宗卒康宗襲位是歲為遼乾統五年癸未康宗立十一年卒太祖襲位是歲為遼天慶三年癸巳然癸未實乾統之三年金史作五年傳寫之誤也此書及遼史契丹國志脫去康宗一代又以太祖襲位在乾統元年上侵一十三年皆與金史不合當以金史為正通鑑綱目于政和三年言阿古達襲位正

據金史也太祖生于遼咸雍四年戊申初在娠時骨重異常

將生河水為沸野獸盡嗥及生若有光照其室部落咸異之既長臂垂過膝身長八尺狀貌雄偉沈毅寡言笑

而有大志弓力過絕于人嘗至其部落有意欲謀害之者太祖覺之奮劍殺數人而去追者不敢當既立承楊格富庶之餘兵強馬壯加以遼帝天祚掎剝是嗜上下荒淫其相李嚴蕭奉先輩庸瑣貪婪太祖益有異志

甲午太祖之十三年

按金史太祖以癸巳年襲位甲午乃即位之次年也此書以太祖襲位在

乾統元年故以是年為十三年

春蘇源奚卜蘇布庫率其部落內附共

七千餘戶始取遼寧江州

按原書作寧江府考金遼二史皆作寧江州今改正

先是五國之東接大海出名鷹來自海東者謂之海

東青小而俊健能擒鵝鶩遼人酷愛之求之女直女
直苦之又沿邊諸帥邀求賂遺無虛日遼天祚帝如
混同江釣魚時疑太祖欲殺之蕭奉先諫止太祖知
其意始謀起兵于是用尼雅滿固紳等為謀主尼楚
赫伊里羅索棟摩為元帥攻混同江之東名寧江州
天祚射鹿慶州秋山遣海州刺史高仙壽來攻為我
師所敗失寧江州天祚再以蕭嗣先帥奚契丹五千
人屯出河店臨白江與寧江州對壘我師潛渡混同

江掩擊之嗣先兵潰又獲甲馬四千天祚兩敗後謂
奉先不知兵名張相張琳付兵十萬使來攻計入戶

家產錢每三百

按原書脫此五字文義不備據契丹國志補正

貫備一軍富

人有出一二百軍者琳等非經濟才統馭無法罷甲

聽從人便往往以槍刀鎗甲充數弓弩鐵甲百無一

二于是分四路並進獨涑流河路一軍深入遇我兵

交鋒稍却走還其壁都統鄂爾多者

按原書作幹里雅布蓋鄂爾多

向音訛為幹离朵幹里雅布向音訛為幹离不而朵又訛為不也今據契丹國志改正

以為漢

軍已遁即領契丹兵棄營而奔漢兵尚三萬餘推武
朝彥為都統再與我師戰遂大敗餘三路聞之各退
保其城悉為我師攻破

是歲宋徽宗政和四年遼天祚帝天慶四年

按原書于每年下分

注宋遼年號考宋雖嘗稱臣于金然靖康以前實為敵國隆興以後又正敵國之禮概用分注已乘史例至金本屬于遼而乃分注遼年尤為乖謬且此書主紀金事鄰國之年亦無事逐年詳繫致傷冗雜今于宋遼年號皆改繫于歲終又自是年初見之後但載其改元首載餘俱從畧

乙未收國元年春正月壬申朔羣臣奉上尊號是日即皇

帝位國號大金改元收國

按原書書太祖即帝位于戊戌歲不載收國年號又范成

大攬轡錄云金自太祖始有天輔之稱今四十八年矣四十八年以前乃選造以足之重熙四年清寧咸雍大原大安各十年咸昌六年乾通十年大慶四年收國二年以接于天輔似可與此書相證但敵國之言務相誣毀不可為據今依金史為正

夏五月北方有光燭天

按金史五行志收國元年上在寧江州有光正圓自空而墜

大星出殷殷如雷聲

按此事金史天文志不書

六月括寧江州一路金銀粟帛盡數以往民間有隱者

斬丁夫強壯集得萬餘人勒歸軍前

是年生紅芍藥花北方以為瑞女直多白芍藥花皆
野生絕無紅者好事之家採其芽為菜以麪煎之凡
待賓齋素則用之其味脆美可以久留金人珍甚不
肯妄設遇大賓至縷切數絲寘櫟中以為異品

冬十二月敗遼師于混同江并渤海遼陽等五十四州
先是天祚親率番漢兵十餘萬出長春路命蕭奉先
為都統耶律章努副之以精兵二萬為先鋒餘分五
部北出駱駝口車騎亘百里別以步騎三萬人命蕭

呼圖克柴誼將之南出寧江州齎數月糧期必滅女
直帝以刀斨面仰天大哭謂諸部落曰不若殺我以
降諸人皆拜曰事至此當誓死一戰乃與天祚遇乘
其未陣三面擊之天祚大敗退保長春我師乘勝遂
并渤海遼陽五十四州

丙申收國二年春正月升固紳為正都統尼雅滿為左副
都統鄂和為右副都統

是年北方寒甚裂膚墮指多有死者北方苦寒故多

衣皮雖得一鼠亦褫皮藏去婦人以羔皮帽為飾直
十數千不敵三大羊之價

按此句文意當是言羔皮之貴不字疑衍不貴

貂鼠以其見日及火則剝落無色也

夏取遼渤海軍

先是渤海人高永昌殺其東京畱守蕭保先自稱大
渤海國皇帝據遼東五十餘州遼帝遣其宰相張琳
討之至瀋州我師來援渤海琳敗績遼帝乃以燕王
淳為都元帥仍募遼東人號怨軍者二萬以行淳至

乾州武朝彥等謀殺淳不克復召淳還遣蕭德恭耶律伊都等屯田為備既而我師破渤海軍斬高永昌其衆散為盜所至擄掠而遼不能制

丁酉天輔元年

按原書以戊戌歲為天輔元年今據金史改正

冬宋遣其使馬政

來約夾攻諸國

按原書于丁酉年不載事實而書馬政來使于戊戌歲之春今據金史改正

先是宋建隆以來女直自本國之蘇州泛海至登州賣馬故道猶存去夏有漢兒高藥師者泛海至宋具言女直攻遼事宋因遣馬政同藥師講買馬舊好由

海道入蘇州至帝所居安札川沫流河見馬政問宋
遣使之由政對以貴朝在建隆時講好已久今聞貴
朝攻取遼國五十餘城欲與貴朝復通前好共行弔
伐帝與尼雅滿共議數日遂質登州小校六人遣渤海人李善慶生熟女直二人齎國書并北珠生金貂
革人參松子為質

戊戌

天輔二年春遼燕王淳之師潰于徽州新威懿濠衛

五州皆降

按原書云經新威濠衛五州皆降考契丹國志云金兵入新州節度使王從輔開門降金

人焚掠而去所經咸懿濠衛四州皆降遼無經州所經乃謂金師經過原書以為州名埽訛殊甚又契丹國志自新州之外別數咸懿濠衛為四州原書不數咸州亦為脫漏今並改正

是春遼燕王淳將討怨軍而我師適至淳遇于徽州未陣而潰退保長泊魚務于是我師入新州大掠而去所經咸懿濠衛四州皆降

以遼東降人楊朴為謀主

楊朴者遼東鐵州人也本渤海大族少第進士累官校書郎高永昌叛時來降甚用事

按原書此下云何古達始稱皇帝建

元天輔以王為姓以昊為名國號大金蓋是年楊朴
說帝求遼封冊故此書以為稱帝始于是以年以金史
考之太祖即帝位改元實在乙未歲至是已四年矣
又金國姓完顏金史可以徵信此云以王為姓亦屬
繆妄今
並刪去

朴勸帝遣人詣遼帝求封冊遼帝付南北面
大臣議遂遣使備袞冕之服冊帝為東懷國皇帝帝
名朴等觀驗以儀物不純用天子之制大怒欲斬其
使諸臣為謝乃解尚人答百餘尋放還邀令稱大金
皇帝凡不然則提兵取上京遼帝惡聞女直事蕭奉
先揣其意不以聞明年上京破和議遂格

契丹志云楊朴陳說太祖曰自古英雄開國受禪先求大國封冊八月太祖遣人詣天祚求封冊其事有

十徽號大聖大明皇帝一也國號大金

按金史收國元年已建國

號曰金此又云國號大金者蓋前此雖建國號而遼人信使往來必尚以女直稱之故此要以稱大金皇

帝耳二也玉輅三也衮冕四也玉刻御前之寶五也以

弟兄通問六也生辰正旦遣使七也歲輸銀絹二十

五萬疋兩分南宋歲幣之半八也割遼東長春兩路

九也送還女直照蘇阿古齊大玉十也天祚付羣臣

等議蕭奉先大喜以為自此無患差靜江軍節度使蕭錫林等備天子衮冕玉冊金印車賂法駕之屬冊立太祖為東懷國至聖至明皇帝十二月使至楊朴以儀物不全用天子之制又東懷國乃小邦懷其德之義仍無冊為兄之文太祖大怒叱出來使欲腰斬之尼雅滿諸人為謝乃解人皆百餘次年三月遣蕭錫林等回云冊文罵我我都不曉徽號國號玉輅御寶我都有之須稱我大金皇帝只能從我今秋可至

軍前不然則提兵取上京矣天祚惡聞女直事蕭奉先揣其意皆不以聞遷延久之聞上京已破和議遂寢後天祚雖復請和皆不報

十二月追謚九代祖堪布為景元皇帝號始祖八代祖名額魯為德皇帝七代祖名雅哈為安皇帝六代祖名蘇赫為定昭皇帝號獻祖五代祖名舒魯為成襄皇帝

號昭祖曾祖太師名呼蘭為惠桓

按原書脫桓字據全史補正

皇帝

號景祖祖太師名楊格為孝平皇帝號穆宗

按全史太祖父為世

祖和里布與穆宗楊格為兄弟世祖父為景祖呼蘭自
始祖至景祖六世自太祖上溯始祖為八代祖此以楊
格為太祖之祖故上溯始祖為九代不獨與金史不合
亦與前言太祖為楊格太師之子者自相牴牾但此書
所載金先代世系件記非一姑仍原文而辨正之云
妃后皆追加謚號按金史金
一姑仍原文而辨正之云按金史金
下追上謚號在天會十四年此書于天輔二年與史不
合又金史景祖卒和里布繼之天會追謚聖肅皇帝廟
號世祖太祖之父也世祖卒富爾遜繼之天會追謚穆
憲皇帝皇統四年增謚肅宗明睿穆憲皇帝肅宗卒穆
宗楊格繼之肅宗穆宗皆太祖之叔父也穆宗卒烏雅
舒繼之天會追謚恭簡皇帝皇統四年增謚康宗獻敬
恭簡皇帝太祖之兄也此書以穆宗直繼景祖以太祖
直繼穆宗脫去世祖肅宗康宗三代故于其謚皆不載
今據金史

是歲宋徽宗重和元年

補識于此

已亥天輔三年春北方有赤色大三四圍長二三大索索

如樹西方有火五圍下行十餘丈皆不至地而滅

按此條見

契丹國志金史

天文志不書

二月遣李善慶等通使于宋

善慶至宋宋相蔡京童貫見之諭以夾攻取燕之意

善慶等唯唯居十餘日宋遣趙有開馬政齋詔及禮物

與善慶等渡海來聘止用詔書有開行至登州而

死會謀者言金已受東懷皇帝之封乃詔政勿行止

差平海軍校呼慶持登州牒送善慶等歸國呼慶至
軍前帝及尼雅滿等責以中輟且云登州不當行謀
留半年始遣之臨行語之曰跨海求好非吾家事吾
已獲大遼數路其他可以俯拾汝歸見皇帝果欲結
好請早示國書若仍用詔決難從也

詔冊富察氏為皇后

按金史后妃傳太祖嫡后唐古氏次室費摩氏此云立富察氏為皇

后與史不合

知樞密院內相楊朴建議以為陛下肇登大寶混一

封疆應天順人奄宅天命而六宮未備殊失四方觀
覲欲乞備日冊命正后妃之位帝從之詔冊富察氏
為皇后番漢羣臣稱慶先是女直驟興之初未具六
宮之典僅有賢妃淑妃自餘姬侍並稱娘子而已平
遼所得中原士女艷色盡掠而北后性儉素不好華
飾躬御縵繒而已按原書此下書云冬取遼上京考
遼史金取上京在天慶十年當金
太祖天輔四年此書上文云明年上京破與遼史正
合又于是年冬書取上京實為牴牾今據遼史移正

是歲宋徽宗宣和元年

庚子 天輔四年春正月肇州之始興隆州之利涉地震陷

死數千人

按是年地震金史五行志不書

始定朝儀建典章

知樞密院楊朴建言惟我國家興自遐荒朝儀典章

猶有所未備以中朝言之威儀侍衛尊無二上諸親

從諸王部族尊貴者馳驅戎行雖不可盡貴疑當作責其

自番漢羣臣以下皆宜致敬盡禮合定朝儀建典章

使上下尊卑粗有定序帝從之

宋遣其使趙良嗣來

先是我使同呼慶持國書至宋宋因遣良嗣來通好
猶以買馬為名其實約夾攻遼國取燕雲舊地也第
面約不齎國書

夏四月取遼上京

時三路出師攻遼上京至夏間趙良嗣等在青牛山
追及帝遂從至上京觀攻城不旋踵而破
宋使趙良嗣許歲幣取燕京地持國書歸宋

良嗣之來使也大概議夾攻遼國使金取中京宋取
燕京帝許之歲幣初許三十萬而卒許與契丹舊數
良嗣曰燕京一帶則并西京是也帝亦許之遂以手
劄付良嗣約以本國兵自平地松林趨古北口南朝
兵自白溝夾攻不然則難依也已許約仍遣使偕至
宋止作新羅人朝宋者國書畧曰大金皇帝謹致書
于大宋皇帝闕下蓋緣素昧未致禮容酌以權宜交
馳信使今趙良嗣來言燕京本是漢地若許復舊願

將自來與契丹銀絹轉交本國雖無國信諒不安言
若將來貴朝不為夾攻即不能依已許為定具形敝
幅冀諒鄙悰

馬政持宋國書回使于金

宋國書畧曰大宋皇帝謹致書于大金皇帝遠承信
介特示函書致罰契丹遯聞欣慰確示同心之好共
圖問罪之師誠意不渝義當如約已差童貫勒兵相
應彼此兵不得過關歲幣依與契丹舊數仍約毋聽

契丹講和

時春正月趙良嗣來使帝令從軍每行數十里輒鳴
角吹笛鞭馬疾馳比明行二百五十里所攻城不旋
踵而破七月回至闕畱飲食數日令契丹吳王妃歌
舞飲讌謂良嗣曰此契丹兒婦令作奴婢遂使人歡
時國中議論不決以宋朝欲還山前山後地意皆狐
疑且以山前山後北朝得之而雄若是我滅契丹彼
自幣帛奉我尼雅滿云宋朝四面皆被邊若無兵力

安能立國强大如此亦未可輕之當且為良圖少畱
使人帝遂將宋使馬擴遠行射獵戊辰帝坐一虎皮
椅縱騎打圍嘗曰此吾國中最樂事也既還令諸臣
具飲食邀南使夾攻之始謀此

欽定重訂大金國志卷一